

續修四庫全書



《續修四庫全書》編纂委員會編

續修四庫全書

上海古籍出版社

一五四一・集部・別集類

思益堂集十九卷（詩鈔六卷、古文二卷、詞鈔一卷、日札十卷）（詞鈔卷一至日札卷十）

〔清〕周壽昌撰

左文襄公文集五卷 左文襄公詩集一卷 左文襄公聯語一卷 〔清〕左宗棠撰

九七

春暉閣詩選六卷 〔清〕蔣湘南撰

一六三

七經樓文鈔六卷 〔清〕蔣湘南撰

二二三

爾爾書屋詩草八卷 〔清〕史夢蘭撰

三六九

爾爾書屋文鈔二卷 〔清〕史夢蘭撰

四七五

經德堂文集六卷別集二卷 浣月山房詩集五卷（經德堂文集卷一至別集卷下）

〔清〕龍啟瑞撰

五五五

思益堂詞鈔卷一

長沙 周壽昌 自菴

卜算子

閏三月饒春

何處見春來。又送春歸去。芳草多情不放歸。絲斷來時路。展得一春期。便擬春長住。不是聲聲布穀催。險怪鶉鴝誤。

生查子

舟中饒春

春至帶愁來。春去愁難去。愁過一春期。莫覓春歸處。風暖繫行舟。強欲留春住。合與載將愁。篷背三更雨。

又

和明人吳魯于韻

思益堂詞鈔

卷一

墨積字成。豬野蕩塵飛。馬隔隔琴絃。儘費猜誰是知音者。宋庫雁翎刀。漢殿螭頭瓦。文武兼資。左右宜客。定何居也。

又

得失證雞蟲。稱謂隨牛馬。莊語難諧。怕客嘖連道三聲者。擊汰扇張帆。避雨衣憑瓦。一把茅剛蓋著頭。笑指丈夫也。

南鄉子

春影暗簾櫳。鐵馬敲簷逗遠鐘。隔著茜紗窗。子望朦朧月。照山茶分外紅。曾記倚欄東。如雪花光照玉容。恁地封姨來。沒信。恁恹恹。盡梨花一夜風。

清平樂

卽景

緒風絲雨苦促征帆去。一帶晚煙繁。野樹重被溼雲留住。洲邊竹屋參差停船。小步些時。三兩漁舟泊處。離前立箇鷓鴣。

四字令

波寒似水。鏗殘似瑩。江村野柝無憑。是三更四更。推衾夢醒。敲篷雨零。瀟瀟滴到天明。更風聲浪聲。

又

空江浪驚。淒風樹鳴。夢兒作也難成。況殘宵酒醒。荒雞恨聲寒砧。怨情雁兒。不肖南征。便南飛怎生。

釵頭鳳

瓊臺夢瑤琴。弄春寒。雲鎖鴛衾。重歡無價愁難卸。一帆風信五更殘。夜乍午。離懷惡。歡情薄。南飛有雁書誰託。東風緊。桃花引鶯盟。常記鷗蹤難準。忍忍忍。

思益堂詞鈔

卷一

鷓鴣天

有寄兼調汪稚生

千樹桃花水滿潭。故人芳訊話江南。牆頭柳絮絮鶯聲。苦檻外梨雲蝶夢酣。嘯竹素鎖瑤函。近來心緒託瞿曇。春風吉語傳歸棹。同玩西樓月十三。

又

胡蝶翻飛。嬾戀枝狂。風肆虐。影離披。祇憑瑞紫。飄紅勢。那計支霜。受雪時。雲作繭。雨如絲。惜春特地願。開遲。昨來病起。登樓望有夢。尋君君未知。

金縷曲

和李舜卿孝廉七夕有懷原韻

天上愁難寄。正涼宵。秋絲對吐。青蟲雨墜。宋玉多情腸慣。斷況是。葉凋花悴。誰信道。離程星遞。巧到雙星猶惜別。問

據上海辭書出版社圖書館藏清光緒十四年王先謙等刻本影印原書
版框高一七四毫米寬二六六毫米

思益堂集二

〔清〕周壽昌撰

癡儂乞巧真何計笑前夜蛛絲織分明咫尺紅牆地怎便算今生隔世千秋萬歲輸與天台塵世裏賺得阮劉佳婿恰休任刺管拋棄昨夜綠華親降我聽北風帶帶溫言細渾不灑神仙淚俗傳八月雨爲別淚雨

又

寄瞿石芸妹壻

此別剛重九恨恩帆飛風利不曾攜手因病得閒懷玉局眠食近來安否似瘦柏經霜逾久弱妹左芬如念我道大雷書問時時有頑仙骨健奔走奇才輩出何容某問千秋煙霞鐘鼎兩途誰取便許雲霄振衣上不過吹竿覆瓿奈知遇兩朝恩厚拌擬倉皇從牧圉任縻身刀俎心無負迂拙念爲君刻

又

思益堂詞鈔

卷一

三

寄小樓

對榻剛三歲歎饑來驅人作客遠攜姜被者番去征衣誰手綫痛墮瀟岡雙淚覓升斗原非無計饒首庸奴從乞活便多牛足穀豪鄉里奈嘖嘖夫恥倉皇戎馬吾其已但誅茅蓋頭一把有人料平理念負天恩代耕久屢世科名青紫卽何忍時艱身避擊楫枕戈肝膽熱笑新亭對泣眞無志一腔血誓天地

又

題黎齋崖詩卷

已是恩恩別忽攜來新詩一卷朗吟冰雪國有顏淵漸未識一讀一呼奇絕喜標格頂斯曾說才子千秋關福命料尋常鐘鼎君何屑珠玉落九天徹漢江東下濤飛血羨早歲扁舟弔古嘯風呼月莫漫沈沙尋折戟都是新磨金

鐵聽一片寒潮鳴咽好句驚人懷謝朓似浣花諸將酬忠烈春寄我幾時節

又

題陳竹珊且高歌圖

淚灑新亭雨問蒼茫天荒地老寄愁何處除卻美人花月夜都是寂寥塵土幸點筆歌裁金縷一笛玉鬢能醉客更喃喃訴盡鸚哥語山影缺亂紅補呼童洗硯波凝霧繞危橋清泉白石游魚三數拌取高歌憑解恨轉怕歌長調苦儘快意星初月午試唱曉風楊柳曲便絲絲怎綰勞人住浮大白爲君舞

又

舟中亡室金夫人生日

生已三年別更傷心一年又到九泉終訣教子奉姑三十

思益堂詞鈔

卷一

四

載費盡絲心縷血況頻歲長安信絕動說早朝虛負了究何曾一日香衾疊思往事恨嗚咽趨朝我又關山越最憐卿生辰懸輓正逢今月五十五人生原不天恨此一年猶缺歎兒女痛親腸割營奠營齋終莫補算百年易盡期同穴聊酌汝寸香爇

又

書弔郭烈婦詞後

萬事寒杯酒儘平時星盟月誓死生斷守斗頓西風悲朝露驚得鶯囀燕語早準備巢移院柳回憶涼秋銀河下願雙棲賸盡牙根呪泡影滅成烏有莫傷兒女情難久古今來幾多養士黃金量斗轉盼宮車捐賁客不記言還在口問珠履三千去否一箇英雄湛身死覺眾人國士徒勞剖郿止爲主恩厚

又

題友人詞後

情恨難窮寫祇吾生傷離中逝筆猶無暇那有春花開百歲更得月圓千夜總一例雲銷水瀉苦爲閒情添悵惘恐曉鵲倒惹黃鸝罵相思淚莫輕灑蘇辛豪蕩姜張雅儘輸他柳周輕雋但供游冶悔到伯時圖駿骨也怕多生化馬歎黃九豔詞爭詫選出明珠千萬顆好穿來成串都無價莫謂世無知者

又

忽聽風聲惡一重重頽雲似墨障天成幕老屋編茅那便捲半把藤纏蔓縛怎漏到牀牀雨落亟趁晴時乘屋看防參差瓦縫微殘破休祇怯風來虐當空紅日天光燦待須臾重霾淨埽萬峯青削便有輕煙和薄霧不穀炎威蕩思益堂詞鈔卷一五

又

慰徐叔鴻悼亡

雪散花飛去任東風春深春淺總難留住靜夜鰥魚攢睡眼苦被啼鵲聲誤悵一歲因緣太遽想到沈綿悲委蛻算生天解脫翻成悟緣與業風中絮黃門我昔同哀遇止數年大弦一絕玄弦雙腐枉對青山盟儼日畢竟白頭空賦漫追憶劉郎前度往日模糊將夢覓到而今夢也無根據人天恨共誰語

又

叔鴻用前調并次韵因即前韵和之

春恨將愁去甚因由歡情樂事不隨春住祇聽東風吹落

葉翻怪秋魂吟誤看一霎曇花飄遽推倒苦提埋卻鏡笑非辜非樹何時悟尋無蹟雪和絮花飛茵溷隨遭遇儘分明石鑽易透水流難腐稽首空王祈解脫短命因緣休賦更乞與慈航輕度了徹眞如皆幻影是多生成佛生天據漫提起悲涼語

又

都城北極樂寺之後爲畏吾村明茶陵相國李文正公墓也前屋三楹卽祠堂吾湖廣之宦於京者每歲清明節爲文正祭埽畢修禊事於寺寺有海棠數株花開其時同鄉醺飲賞花爲樂因可不廢祀事比年來予以病蹇未得與聞今歲花較繁游亦盛適案頭有去歲叔鴻紀游詞一闕因用其調并依原韵和之卽寄示叔鴻時癸未上巳後十日

思益堂詞鈔卷一

六一

楞嚴憐拳曲看青黃已成溝斷遇春猶綠老我不材真似此枯坐竹間矮屋忽觸目吟箋珠玉笑倚海棠舒倦眼院海棠樹兩株歎世間名利爭蠻觸水中月儘人掬羨君頻歲芳蹤續勝故里坊題濯錦峯登雲麓相業詩名餘片土弔古徒傷杜牧待澆徧墳前芳釀芳釀見溫飛卿詩祇此粉榆同社飲願年年重補清游足拌罰醕準金谷

高陽臺

卽席分詠燭淚

顆顆圓圓絲絲密密替人訴盡離憂一寸紅冰凝寒不待涼秋丹心熱透何曾冷越心煎越是長流夜深不照著花暖不管花愁銅盤堆出珊瑚豔詞靈芸唾結飛燕華留雙炷偷彈搖風頻閃星眸歡場獨抱無言恨便成灰泣也難休筋痕收翦向西窗滴碎更籌

又

叔鴻九日飲龍樹寺以一詞見示鐙下和之并次

其韵

疏夢吟紅殘蘆颺碧南窪波淨秋塘緒雨絲風釀成一片
重陽高樓盡被詞人占歎鄉心空望湖湘儘風涼落帽憑
吹嬾送鴻翔 輸君乘興看山好更茱萸偏插觸起詩狂
記踏衡峯舊有衡嶽登高圖 脚跟雲氣飄揚丹楓霜醉黃花瘦悔
浮名誤卻耕桑且傾觴待和前詩舊棄都亡

燭影搖紅

舟中重九

前歲重陽瀟湘望斷長安月去年愁裏又重陽淚灑玄弘
絕今更重陽時節莽天涯從新賦別日高天遠萬里孤鴻
扁舟一葉 笑倒淵明醉來那管言辭拙菊花堆出萬黃
思益堂詞鈔 卷一 七
金不許腰輕折多謝登高遠躡怎如看怒濤飛雪風風雨
雨不盡長江大聲嗚咽

又

白秋海棠

土輾塵香消他綰袂翩來倚相思有淚寄西風淨把燕支
洗約伴青娥素姊闌嬋娟月中霜裏李花綺夜梨蕊眠雲
讓渠清綺 玉砌銀臺貯嬌宛轉相料 理肌膚冰雪世
間無姑射仙差儼素面朝天自喜笑肥環朝醒未起絳章
夜奏乞借秋光輕陰微霽

江城子

流光纖影日如梭儘婆娑浪消磨何處江峯照鏡作青螺
不信東風吹水逝吹得皺眼中波 含顰匿笑斂雙蛾
如何恨如何倦倚琵琶和睡揜輕羅枕上淚痕階上雨都

比似落花多

浣溪紗

綠水生煙漾碧津柳絲如雪蕩芳塵和風攔路逐游人
燕子飛來波有影梨花落盡月無痕倩他留住一分春

又

何處簫聲向晚天吹來角調不成圓鞭絲帽影記當年
殘日浴波紅帶暈遠山含雨綠生煙馬蹏閒踏玉河邊

又

送客燕橋酒思闌橋邊楊柳耐人攀到今追憶此情難
積水潭邊行藥去夕陽寺裏看花還肯教容易放春閒

又

題葉更端雪裏桃花卷子

羣玉山頭擁絳綃亂紅如雨凍痕消替他姑射寫風標

思益堂詞鈔 卷一

八

崔護叩門從訪舊子猷乘夜漫停橈春風吹夢段家橋

又

卽事

老去尋歡強作豪東鄰雲月故招邀笙歌亭院可憐宵
醒看酒狂生客厭靜聽曲怨惹魂銷闌風夢雨助無聊

鵲橋仙

風絲絲樣雨絲絲樣釀出愁人天氣年時小別尙牽腸況
死別一番滋味 信兒沒準夢兒沒準拌著夜長無寐今
生已是沒商量更說甚生生世世

羅敷媚

名花得意休輕種儘費思量枉費思量越是飄零越有香
玉璫緋札空勞寄說不淒涼那不淒涼怕看珍珠字幾
行

喝火令

綠軟苔梳鬢紅酣豆點脣一簾風雨盡春魂待把桃花作
釀和醉噦將春酒重愁無力衫輕淚有痕一春情緒費
溫存便到鐘時無柰得清晨便到清晨時候怎地得黃昏
菩薩蠻

新歲舟中望山

髮鬢臘鼓催年罷江波碧瀉春如畫春到已多時梅花知
不知山色隨江掩盡被東風染得綠生生一層深一
層

又

玉樓塵點春無主樓頭紫燕雙雙語莫自倚樓西有人樓
上噦噦殘春欲去偏向愁邊住愁合逐春休春歸愁更
留

思益堂詞鈔

卷一

九

又

千絲萬緒愁難了梨花無語東風悄花發怨春遲鵲啼春
怎知銷愁惟有醉量淺杯空對髮白說因愁沙鷗先白
頭

又

檢書向夕親燒燭燒殘寸蠟看難足倦倚小屏山薄羅縹
夜寒今年忘卻暑暑少綠多雨風急晚颼颼攪成心上
秋

百字令

武昌城樓望江

怒濤翻雪恨廿年兵燹浪淘金鐵烈土心肝忠義骨激蕩
層波都熱痛淚添瀾悲聲助漲忍注團飄咽臨流試汲此
中多少冤血最恨千古高樓狼煙一柱盡逐飛灰滅騎

鶴仙人應怕返使返怎尋城闕晉代碑沈辛家店廢遺碑
埋秋月扁舟買醉江頭舊恨休說

浪淘沙

旅次和壁間韻

湘樹隔千重別緒怱怱一鞭疲馬走西風再蹈瀛洲尋舊
侶莫訴飄蓬半載阻煙烽積恨盈胸風淒雨晦客窗中
階下鈴聲車上鐸徹夜了東

又

鄉夢昨宵重睡起怱怱孤邨留客雨兼風不信雙輪催得
去人似飛蓬指日靖殘烽浩氣橫胸洗兵快聽雨聲中
只待龍驤飛捷報高唱江東

沁園春

題莊木生書隱圖遺照爲其子二溟學博

思益堂詞鈔

卷一

十

古有漆園吏隱儒仙君其裔歟聞織簾老去羣經偏寫垠
環勝處福地曾居三篋搜遺百篇訂誤無限門前問字車
非同調便劉公晚餞餞有售班書脩然一夢蘧蘧恨我欲
尋君夢已虛幸賢郎妙筆才同蘇邁名山勝業集訂江湖
拜紀緣空交羣誼古颯爽風儀挹畫圖君休矣歎莘莘學
子誰辨焉烏

又

題李小寶西山招隱募資圖

措大生涯問舍求田佳哉是鄉想挈家陽羨坡仙客舍誅
茅錦里杜老山堂種竹三分買鄰百萬此願非奢料許償
千秋後算君家盤谷重築何妨非邨非市排場喚識字
耕農卻也當笑俗猶未免犢羶小阮風原自古馬資諸王
因屋樹成買山隱就只許名流助辦裝君行矣便西山南

浦儻發徜徉

南浦

和姪壻王益吾編修悼亡原韵

飛絮滿天涯。倏春風吹散。變成鴛血。無力化萍圓。零星影都任雪消痕。滅初三下九。庭前娛戲。悲誰說。王昌佳壻。方春帖。泥金黏牆。愁裂。傷心曲唱。姑恩恨。作婦難終。呼耶遙別。老淚十年前。離帆話。已是人天長。訣何如。寄寄猶消。阿伯文千葉。李義山有祭姪女寄寄文自稱阿伯新蟬怕聽。防葉落。秋風哀音。嘯徹。

南歌子

獨酌梅花下有憶

木落霜清。後雲寒。月上初玉。梅花下。試提壺。知道梅花得似箇人無。鶴守三更。夢鴉含一寸。鋤種花。不惜費工夫。

思益堂詞鈔

卷一

士

記得去年開到第三株

又

雨中望西山有感

寄信遲。青鳥開籠。羨白鷗。無聊看雨。獨憑闌。可惜闌干圍住不教還。雨憶瀟湘。聽雲憐嶽麓。聞西山。鎖恨似重關。山外青山。何處更無山。

又

燈花

瑤結紅舒。餘珠垂紫。映霞看書。卻恨影微。遮笑破。老妻。隔住。莫挑他。卜吉難。孫笑占。歡小婢。諱不知。何喜。要渠誇。夜。夜。燈前。夜。夜。祝。生。花。

柳梢青

愁送春歸。花飛蝶嬾。絮落魚肥。多謝東風。作去寒分。暖勒。

住春回。一留春。且作徘徊。對白髮青山。一杯欲訪荆高。重尋劉石。同醉燕臺。

行香子

年少虛名。楚國狂生。滿胸懷策古。壽今千。磨萬折。負此豪情。仗劍摩挲。詩排遣。酒溫存。老矣無能。鬚鬢霜侵。任人呼牛馬。皆磨偶。然陶寫古墨。零星是畫。藍田書。青李帖。黃庭。

又

悼春為益吾作

鴉髻初勻。風味天真。鬢嬌憨。淺笑輕顰。簾錢堂下。奉帚殷勤。記茗初煎。香初炷。酒初溫。王昌嫁與碧玉。歌新傍書台。滌筆籤芸。奈何薄命。委翳飄塵。枉借春陰。泣春雨。夢春雲。

思益堂詞鈔

卷一

士

江南好

憑闌倦。繞砌覆濃莎。打出紅絳。挂燕子。拋將綠豆。賺鸚哥。含笑捲春羅。

又

天末望游跡。滯關河。卜遠自嫌。釵股誤。寄書生。恐字痕磨。歸信幾番譌。

明月逐人來

題董硯樵觀察古榆老屋校韵圖

紙窗竹屋。疏簾清簟。吟聲靜。獨驅鉛槧。老榆影裏。古韻重。拔檢不管。綠陰濃。誰料重歌。隴水鳴。騶舞劍。應曾記。寒宵月暗。尋君款戶。坐久談無厭。剔起紅燈。雙燄。

燕春臺

題梅月美人障子為曹繡溪侍御

雪冷驕春風寒留豔一枝特放奇香薄袖輕裳闌將姑射
新妝清宵月轉回廊湧冰輪獨倚寒窗捲簾人悄微酣生
暈無限思量 西山花隱東閣詩狂壽陽點額江嬈回腸
橫斜影動春來甚處池塘著意尋芳借丹靑留得春長語
徐黃添寫花外鶴引和雛鳳爲嬌溪徵

過秦樓

海樣春光雲般花事和風麗日遲遲忽燕嘲鶯謔慣倚著
林鴉噪曉爭奇聒耳那禁煩擾獨微行野寺尋詩又池塘
青草蛙聲閣閣不管公私 正春游已倦歸尋款段鷓鴣
勸飲小住經時歎心情懶慢便繁華滿眼未肯輕窺何事
苦于卿縱狂風抵死來吹向東皇笑叩古井無瀾可動些
兒

醉花陰

思益堂詞鈔

卷一

三

暖日烘雲天氣好淺黛籠煙草風雨過清明花似年年春
比年年老 垂簾不放餘香裊開偏茶蘼了正喜綠陰成
芍藥翻階偏弄紅裝早

又

玉河春望

策騎河邊初放溜風暖吹冰皺染柳更薰梅百樣生新祇
有春如舊 西山遙望峰尖瘦綠鎖林梢秀風定晚來天
波澄殘紅浸得斜陽透

齊天樂

小對竹軒坐雨

如年長日連番雨蕭蕭變成秋影鵲虛巢傾蝶憐粉溼不
止爲花愁損西風更緊望荒墳沙沈遠山煙暝何必江深
開軒叢竹翠雲冷 閒門正少客過沉沉沕轍阻誰尋幽

徑永憶江湖慣淹歲月聽雨聽風難準前宵夢醒儼蓬背
聲繁船舻拆警獨泛瀟湘篠煙棲客艇

江城梅花引

苦雨夜坐

虛檐過雨響泉流屋如舟冷如秋連日危欄獨倚望雲浮
月又不來天似墨空階滴一聲聲都是愁 新愁舊愁愁
未休到眉頭到心頭強欲推愁愁不去雨更留剪燭攤
書兀坐數更籌聞事關心呼小婢明早看嫩芭蕉打碎不

八聲甘州

弔郭子美提督之妾烈姬趙氏

歎將軍樹折莽悲風橫吹燕和鶯獨吳娃二九故家天水
哀絕無聲已是珠殘玉碎鴛鴦飲一杯傾直逐英魂去不爲
閒情 比較墜身金谷尙催花逼柳斷送奇英恁甘心赴

思益堂詞鈔

卷一

十四

義烈骨倍晶瑩漫等他白楊作柱才成灰紅粉燕樓平更
休問死期同穴敵日曾盟聞烈婦素有殉死之誓

念奴嬌

張蕙甫比部李叔和舍人江亭招飲

郊園過雨覓江淹遺構正堪銷夏老輩林亭留片石何必
琳宮珠厦小較行舟叢蘆捲浪絕勝風帆挂西山新霽染
將晴翠如畫 觸念衡嶽湘流故鄉游歷處倍應清暇祇
此尋常幾茅屋點綴盡成幽雅雅罷狂歌夕陽留客未肯
催西下吟鞭徐返輓紅又逐歸馬

慢捲綢

編亡弟筱樓詩草屬姪婿王益吾祭酒訂正
雁浦淒霜鵲原泣月已矣重泉閉值露曉窗清雨夜鐙殘
遺棄偏繡吟魂待慰想到千秋虛名飯顆寂寞終無味便

贈我梧桐半死。棠華孤放何爲。生生世世談休易。空作來因計。更不忍搜他殘章斷句。幾多墨跡。塗污細碎縱傍池塘。賦成春草夢也。難成睡怕。更吟看付與微雲。秦七佳塔。

虞美人

蕭蕭白髮空搔首。薄量難勝酒。但看人醉儘銷憂。況是月華如水。碧天流海。風吹霧漫。天厚那及。天長久。聽他漆室語。啾啾難道。杞人醉也。不知愁。

如夢令

雨中蕉

幾葉新添濃翠。半捲芳心如醉。涼雨滴聲聲。便到夜深難寐。睡休睡。睡休打得愁人心碎。

又

思益堂詞鈔

卷一

五

雨中竹

滿院風篁攪睡。添著雨聲繁碎。溼葉亞枝低。扶住。莫教沈醉。五月十三日。醒未醒。未雨也。助些酣味。

又

夾竹桃

紅雨絳雲相近。勁節也含風韻。打棹入仙源。難道主人休問。誰信誰信。崔護錯來廝認。

水調歌頭

夏夜月 有序

昔坡老因王夫人有春月令人歡喜。秋月令人愁怨之語。遂召趙德麟輩來飲。且作詩詞賞之。予笑謂子婦張夫人亦能爲夏冬兩月作韻語否。夫人謂夏月令人豪健。冬月令人清淨。予喜其語不俗。

亦作兩闕成之

何月能無月。情味判良宵。春歡秋怨。不應暑夜獨無聊。頗似摩訶池上。睡起清涼。無汗光微。碧天遙。妙語觸吟興。夏月令人豪。揮白羽。撫綠綺。酌香醪。斗牛多少。間氣長劍。吼青霄。祇此冰輪。騰上驚起魚龍。難睡海。漲定。潛消清影。掃炎熱。世界盡瓊瑤。

又

冬夜月

看雪已奇絕。得月倍光晶。冰凝霰潔。六街塵淨。夜無聲。惜此圓蟾清影。無計拏舟訪戴。仍向竹樓凭。靜夜莫嫌冷。冬月令人清。燒石炭。吹玉笛。瀉銀瓶。梅花消息。先透香影。印窗明。照得心如止。水更取。姮娥相證。拋卻世間名。階下有癡鶴。伴賞到三更。

思益堂詞鈔

卷一

六

惜餘春慢

落花

芍藥開餘。荼蘼放了。盡把韶華催逼。將離且住。欲墮還飛。片片落紅。狼藉卻喜。飄零玉滿。蹴舞筵。尙供吟筆。縱無情。想到半拋。落溷也應憐惜。歎自昔。悲葬西施。吳宮春去。一例夢中。幽泣。鸞腸浪費。鳳背空煎。儘殷燕忙。鶯急。怪怎東風。太狂。特地吹開。吹殘。何意快呼。童淨掃階除。莫破玉人。知得。

青玉案

雨中鄉思用賀方回韻

太平車子催征路。日送著行人去。莫信衡峰無雁度。洞庭秋月。瀟湘春樹。都是關情處。涼風消暑斜陽暮。暮排悶詩無快心句。作意遣愁愁不許。鴿原新恨。蘊叢離緒。一片芭

蕉雨

又

目題松涼夏健人行看子

十年未見圖中我舊寫小照大瘦今成飯顆七十光陰如

轉磨癡肥非慣儒酸類過任笑蕉衫破科頭據石看雲

坐消夏間吟續清課絕勝風涼窗北臥撫松饒健聽泉留

和莫被緇塵浼

水龍吟

月夜聞遠笛

誰家涼夜橫吹一聲似微霜天曉玉關別恨銀階幽怨全

穿樹杪葉起蟬吟枝驚鴉睡月窺雲早料闌干獨凭朱簷

吹徹怕斷送青春老恰值雨停風小恍串珠穿來旋繞

連綿遞送隔牆誰攝倚樓遠曼斷竹音清落梅腔遠餘音

思益堂詞鈔

卷一

七

難了漫自憐聽不分明恰更比分明好

憶少年

編日札成戲題其後

無憑若局無情霜鬢無聊煙墨看囊更何有祇殘編盈尺

寂寞聲名嗟萬一老學莽中風日誰將放翁畫著漁家

菱笠

河傳

中秋看月有憶

拜月低說常圓英缺雲外香飄昔年今夜曾向卅六灣頭

一船隨月流洞庭東去秋光大耽晚臥不放良宵過那

堪蘆雪飛下幾箇歸鴻唳長空

滿江紅

六月十六日先太夫人忌辰述哀

廿載松楸歎寒食總成虛設每悵望蘆塘風露月湖霜雪

六月中尤白恨椎心飲泣惡誰說拌淚珠化作水南流

濤聲咽鶴髮短年將垂孤首願著休襟臂胸臆春暮也

無多血春草根隨心寸斷征衣綫繞腸千結願百年長似

夢依親無離別

古調笑

小對竹軒坐月

綠竹綠竹門對此君眠足日斜睡起朦朧又聽林梢晚風

風晚風晚莫把濃陰吹散

又

竹影竹影得月破他煙暝煙消月似秋涼翠葉移來紙窗

窗紙窗紙添寫幾行人字

采桑子

思益堂詞鈔

卷一

六

書搗塵詞集後有序

亡友李舜卿孝廉洽絕代清才駢散文古今體詩

無不工尤能懸臂內振作小楷以其餘技填詞沈

麗獨絕詞名搗塵集大半散佚今聞其嗣子石仙

秀才長禮授訪得十餘首刊之書以誌慰

碧衫酣嘯長安市好夢如煙別淚如泉惹得春人作意憐

小紅久絕新詞唱麝盡香煎蠟盡膏然有箇佳兒集代

編

又

詞場少悔虛名賺玉好生煙珠好沈澗謗已隨名滿日邊

老來祇喜攤書坐衰不求仙狂不逃禪一卷殘叢手自

編

春光好

柳絮

飄月曉蕩春柔趁煙浮飛過小橋飛更上畫橋頭
雙燕啁啾繞高樓逐扁舟不怨東風吹作雪怨東流

望江南

小對竹軒雜述十首

閒吟望獨坐倚簾櫳蟲子打窗隨急雨燕兒尋壘避狂風
喜放夕陽紅

閒階種碧綠任低迷夜合花開迎日早夏枯草長送春歸
風雨莫頻催

修竹外平楚望銷凝楊柳眉添新樣翠芭蕉心透內層青
著眼最分明

東風嬌紅雨未全飛紫蝶熟來招伴舞黃鸝嬌慣趁人暖
無夢到遼西

思益堂詞鈔

卷一

九

花須折花落折嫌遲勾樂貽將憐遠別文無種出喚當歸
莫信鷓鴣嘯

連朝雨長夏暑全清甲子疑年勞算歲丙丁畫帖學新晴
昨夜月猶明

擁書坐風味笑儒酸枵腹僅能分蠹飽堅心魄不敵蠅鑽
急索解人難

挑鐙讀舊學費商量年邁已無才可退日知猶幸月無亡
時排纂夜起更推詳

清閨鎖謝客意非慳讀書安歧南北派勘碑盲揣宋唐刊
寒具儘供餐

觀空好幻安端諸緣且食蛤蜊拋許事不能鸚鵡省多言
林臥學焦先

又

述恨二首

哀遲恨廿載別松楸露冷月湖愁望夕霜清蘆浦忍逢秋
哀夢五更頭

綠葉惡骨月受凋殘黃口三兒先黑壤白頭一弟又青山
老淚可能乾

踏莎行

苦雨

雲暗沈山風寒攬樹叢篁低夏和煙語丙丁帖子畫成空
蕉窗又聽連宵雨銷暑何人占晴無據未秋已自含秋

緒江流常笑北來無分明屋似臨江住
摸魚兒

陳編修汝翼病死次日其妾吳氏殉之時癸未七
月廿二日

思益堂詞鈔

卷一

十

惜恩恩樓頭燕子秋來留便難住成灰紅粉猶生歎況作
高樓墜藥秋最苦見多少西風敗草無青處問天莫語任

同穴杳冥鳩鵲和血九地覓歸路斷腸事爭肯徘徊自
誤儂心未許人覬聞未殉節前祇傷君獻凌雲賦畢竟虛

名何補君可悟君不見嚴徐東馬皆塵土百年同此尚有
箇清娛夜臺寂寞隨著子長去

瑞鶴仙

春暮飲於嵩雲草堂因悼故人李藻舟京尹宜春
宇侍郎毛煦初尚書前年皆觴譙此地邀同看花

也
驚高高雲護幸片石移將帝城煙樹忠祠額新署今改題
祠無復借繁花把怎春光留住住鄉心漫訴我亦悵衡雲湘

水知東風綠到誰邊三十六灣春暮最惜河山眼底桑

海尊前年光難據黃鐘如故早荒草根蟠宿墓記往時讀賞看花不去爭歎落紅無數怎知今紅落仍肥故人何處

唐多令

雨後南下窪看蘆洲水漲邈然有江湖間意

一碧蕩蘆洲晴沙得雨流趁西風作去弄新秋絕似湘江波色冷祇少箇釣魚舟雨霽夕陽收鐘聲撼寺樓望西山雲氣仍浮準約重陽來載酒籬外菊試開不

酹相思

如海春光添畫漏看簾外花如繡儘惆悵此情參莫透花開也愁難受花飛也愁難受行人到處鵲啼否錯過歸期後渾不顧鏡中人影瘦恨樓外青青柳望樓外青青柳風凰臺上憶吹簫

維揚張厚菴前爲子寫小照成徐壽蘅見之謂太

思益堂詞鈔

卷一

三

瘦絕不相似因重寫之仍屬姜穎生補景以近九

日取采菊東籬下詩意卽填此闕於上

革帶朝移山肩宵登自憐老骨槎枒況西風簾捲人比黃花縱使毫添頰上恁風格肥滿難加憑揮灑春姿回我秋興吟餘天涯故鄉重九諒茱萸插偏誰盼歸鴉幸秋英未落點綴煙霞料理就荒松菊何日泛湘上輕離檣僅去東籬寄興休讓陶家

思益堂日札卷一

長沙 周壽昌 自益

七日來復

易復卦七日來復李氏集解引侯氏果云五月天行至午陰升也十一月天行至子陽升也天地運往陰陽升復凡歷七月故曰七日來復此天之運也幽詩曰一日之風發二之日栗烈一之日周之正月也二之日周之二月也則古人呼日爲月明矣孔疏引褚氏曰五月一陰生十一月一陽生凡七月而言七日不云月者欲見陽長須速故變月言日王介甫新經詩說引之解七月章云彼曰七月九月此曰一之日二之日何陽生矣則言日陰生矣則言月與易臨至於八月有凶復七日來復同意愚按周公作詩恐無此意一之日二之日變調以成文猶之葛生章夏

思益堂日札

卷一

一

明夷君子于行

君子于行三日不食有攸往主人有言王輔嗣所謂殊類過甚人必疑之魏禧曰趙岐胡餅買賣如一遂爲孫嵩所識李密教授生徒時哀吟泣下幾爲太守所捕於此悟亡命逃死之道止要平常二字夏鼐之爲治家傭親釜煙炭

中屠蠅之因樹爲屋自同傭人庶幾其儉德辟難乎

有字於小人

知人則哲則不至用小人去邪勿疑則必能去小人顧亭林謂使僉王之類皆知上志之不可移豈有不革面而從君者乎愚謂此專就君身上說則可若是人臣雖泉變不能化四凶孔子不能使三子討陳恆談何容易使僉王革面也有字於小人如漢陳寔之弔張讓母喪賈彪之西行解黨禍之類蓋禍患已成激之則亂起解之則害紓可徐圖其轉故曰君子惟有解吉

上九弗損益之

顧氏曰有天下而欲厚民之生正民之德豈必自損以益人哉不違農時穀不可勝食也數罟不入洿池魚鼈不可勝食也斧斤以時入山林材木不可勝用也所謂弗損益

惠益堂日札

卷一

二

之者也予謂此特就國家豐亨豫大時說所謂能以美利利天下不言所利也若振荒恤患之時勸分振乏尙以任恤勸民國家何能不費以爲惠也口惠而實不至怨災及其身況國家之於民虛辭召亂歷代殷鑒不少顧氏此論恐徒爲後世吝財惜施者所藉口蓋弗損益之言我弗損民卽所以益民也顧氏引孟子六語固是正論然全不自損豈遂足以益人哉文王發政施仁亦未嘗不損己也

利用爲依遷國

顧氏曰在無事之國而遷晉從韓獻子之言而遷於新田是在有事之國而遷楚從子西之言而遷於都是也皆中行各公之益也案無事而遷若盤庚遷殷有事而遷若太公遷岐皆其已事明思宗拘於守社稷之說不籌南遷卒至傾滅此亭林所由寄慨與

震驚百里

後漢鄭炎對問問者曰古者聖人封建諸侯皆百里取象於雷何取也炎對曰易震爲雷亦爲諸侯雷震驚百里曰何以知之炎曰以其數知之夫陽動爲九其數三十六陰靜爲八其數三十二震一陽動二陰靜故曰百里問者稱善愚謂震卦位居四四九三十六爲一陽四八三十二又三十二爲二陰合之適得百數也

翰音登于天

虞翻曰巽爲雞應在震震爲音翰高也巽爲高乾爲天故翰音登于天禮薦牲雞稱翰音也侯果亦引雞曰翰音之語皆謂其有聲無實愚謂登卽不登於俎之登登薦也古者太牢享帝牛羊祀天區區一雞用以陳薦褻天甚矣德小才下登諸帝廷以重任大位加之其敗可翹足待漢之

思益堂日札

卷一

三

何進晉之王衍唐之李訓鄭注宋之梁師成王黼童貫蔡攸召亂喪邦千古一轍孟子之致慨於盆成括猶止於殺其軀也

遇其妣

宋英宗幼弱得一女中堯舜遂成元祐之治康王播遷在外奉隆祐之詔以卽位遂貽南渡之安皆所謂遇其妣也妣卽母不必定泥死曰考曰妣說爾雅稱父曰考母曰妣未言死也易曰有子考无咎又曰意承考也又書言事厥考厥長皆非死後所稱蓋古者通稱卽考可以推妣也若既死何由遇乎下云不及其君遇其臣所謂君臣者亦非以既往爲言也

東鄰西鄰

東鄰謂商紂西鄰謂周文王本鄭康成坊記注顏師古卽